



Zafril, Roslinda - Olahragawan Olahragawati UPM



Zafril dan Roslinda bersama piala kemenangan mereka.

SERDANG, 2 April - Atlet olahraga negara, Mohd Zafril Mohd Zuslani dan Roslinda Samsu dipilih sebagai Olahragawan dan Olahragawati Universiti Putra Malaysia (UPM) 2010 sempena Majlis Anugerah Sukan UPM ke 27.

Zafril yang memenangi anugerah pingat emas acara 400 meter Sukan SEA Laos 2009 dan Roslinda yang mempertahankan anugerah sama sejak tahun lalu, masing-masing menerima wang tunai RM1,000 dan baucer barangan bernilai RM800.





Kedua-duanya menyifatkan anugerah itu yang merupakan penghargaan UPM kepada atlet yang telah mengharumkan nama universiti dan negara dalam sukan akan mendorong mereka meningkatkan prestasi pada masa akan datang.

Selain itu, sebanyak 11 anugerah lain ialah Pengurus Pasukan Cemerlang, Jurulatih Cemerlang, Anugerah Pasukan Cemerlang, Penghargaan Setia Bakti, Anugerah Khas, Anugerah Putra Cemerlang dan Olahragawan dan Olahragawati Harapan.



Barisan kenamaan VIP bergambar bersama juara.

Majlis turut menganugerahkan Tokoh Sukan UPM kepada Zaiton Othman yang merupakan bekas atlet UPM dan ratu olahraga negara pada dekad 80-an.

Naib Canselor UPM, Prof. Datuk Dr. Nik Mustapha dalam ucapan perasmianya berkata beliau bangga dengan usaha atlet UPM dalam acara yang diceburi sehingga melayakkan diri ke kejohanan Sukan Komanwel ke-19 di New Delhi 2010 dan Sukan Asia ke-16 di Guangzhou China.

“Saya yakin dan percaya terhadap kemampuan atlet UPM untuk menyahut Dasar Pembangunan Sukan IPT bagi melahirkan The Thinking Athlete dengan menasarkannya sekurang-kurangnya 30% atlet negara daripada atlet institut pengajian tinggi,” katanya.



Pemain Hoki Kebangsaan, Ahmad Bakri Marfi terima anugerah Putra Cemerlang.

**Berita ini disediakan oleh Seksyen Media, Bahagian Komunikasi Korporat UPM.
(Mohd Faisal Md Noor 03-89466013).**

Hak Cipta Terpelihara 2007
Universiti Putra Malaysia